

իրաւունքները իրազեկութեամբ ժամ. Կառավարութեան կողմից վստահուած է իր նշանակած Թիւրքահայաստանի ընդհանուր կոմիտարին:

Յօդ. 3. — Թիւրքահայաստանի ընդհանուր կոմիտարի մօտ գտնուած է քաղաքացիական մասի օգնականը:

Յօդ. 4. — Ընդհանուր կոմիտարը, իր քաղաքացիական մասի օգնականի ղեկուցման համաձայն, անմիջապէս ներկայացնում է ժամ. Կառավարութեան իր նկատումները Թիւրքահայաստանի շրջանների կառավարութեան 5 յունիս 1916թ. ժամանակաւոր օրէնքի ցանկալի լրացումների և փոփոխութիւնների մասին:

Ստորագրեցին՝ Նախարարապետ Լվով

Արտաքին գործերի նախարար Պ. Միլիկով

Ժամ. Կառավարութեան գործերի վարիչ Վլադ. Նաբոկով

26 ապր. 1917թ.

Այսպիսով, Թիւրքահայաստանի խնդիրը նորից դրւում էր միջազգային հողի վրա, հանուած էր կովկասեան միջցեղային կրքոտ փոխյարաբերութիւնների միջավայրից և կապուած ուղղակի կենտրոնական կառավարութեան հետ: Սա ինքնին մեծ յաջողութիւն էր հայերի համար:

Բացի այդ, նախատեսուած էր, որ ընդհանուր կոմիտարի օգնականը լինելու էր հայ և, ուրեմն, գրաւած վայրերի վարչական կազմակերպումը և, մանաւանդ, փաստական կառավարութիւնը ընթանալու էր ըստ ամենայնի հայկական ցանկութիւնների համաձայն: Այդպէս էլ եղաւ: Թիւրքահայաստանի ընդհանուր կոմիտար նշանակեց մի պարկեշտ զինւորական՝ զօր. Աւերիանովը, իսկ նրա քաղաքացիական մասի օգնական՝ բժ. Յ. Չաւրեանը՝ մէկը այն լուսամտ ու գաղափարական գործիչներից, որոնք իրենց ամբողջ կեանքը նւիրել էին հայկական դատին: Չաւրեանը աչքի ընկնող դեր էր կատարել և 1913թ. բարենորոգումների շրջանում, գործակցել էր Պօղոս Նուպարին պատերազմի ընթացքին, աշխատել ուսւ գիւտնադիտութիւնը շահագործել հայկական հարցով և լայն ծանօթութիւններ ու կապեր ունէր, ջերմ համակրանք էր վայելում ուսւ քաղաքական շրջաններում: Նա մտերմական կապերով կապուած էր ուսական յեղափոխութիւնը անձնաւորող Ա. Քերենսկիի հետ: Նրա նշանակումը գրաւած վայրերի վարչութեան ղեկավարութեան պաշտօնին գրաւական էր, որ այս անգամ խօսքը կարող է վերածւել գործի:

Եւ գործը չուշացաւ: Արագ կերպով մշակեց Թիւրքահայաստանի գրաւած վայրերի վերաբնակեցման ծրագիրը, նշանակեց վարչութեան նոր կազմ, խոշոր չափով հայերից, յատկացեցին մեծազումար վարիկեր և ձեռք առնեցին միջոցներ, որ գաղթականութիւնը վերադառնայ իր տեղերը: Ասենք, առանձին միջոցների էլ պէտք չկար, քանի որ Ժողովուրդը ինքը, երբ վերացան կապանքները, տարերային թափով մղեց դէպի երկիր:

Կարճ ժամանակամիջոցում, Թիւրքահայաստանը, մանաւանդ, Վասպուրականի և Տարօն-Տուրուբերանի շրջանները վերակենդանացան: Ամէն